

## Jon anêᶇ kapyayañ Abô môᶇ

Aposel Jon hato kapyayêntêk. Nê lôkauk enañ nena hato hadêᶇ avômalô êvhaviᶇ anêᶇ malak te. Waklavôᶇ êᶇ ma kêdôᶇwaga ewa Yisu anêᶇ Abô Mavi ba i luvuluvu ma avômalô êvhaviᶇ eyabiᶇ thêlô. Ma doᶇtom kêdôᶇwaga abôyaᶇ evenᶇ haviᶇ ba intu Jon hato ek thêlô neyabiᶇ ᶇê takatu ba esopa Yisu anêᶇ abô avanôᶇ iyom.

Hato kapyayêntêk hadêᶇ 85 lo 95 AD malêvôᶇ doho la.

### *Jon hêv lamavi*

<sup>1</sup> Ya Biᶇsu Jon ba yahato abô êntêk hadêᶇ o avi atu ba Wapômbêᶇ bôk halam yôv lôk nalumi.\* Yalenᶇhaviᶇ môlô hathak abô avanôᶇ ba miᶇ ya iyom ami. Mi, avômalô takatu ba eyala abô avanôᶇ êᶇ haviᶇ.

<sup>2</sup> Abô avanôᶇ êᶇ hamô alalô kapôlôᶇiᶇ ba tem êmô êtôm wak nômbêᶇ intu sapêᶇ ba intu yêlô leᶇiᶇhaviᶇ môlô.

<sup>3</sup> Kamik Wapômbêᶇ lo Namalô Yisu Kilisi iniᶇ wapôm lôk leᶇiᶇhiki ma labali êmô imbiᶇ alalô takatu ba amô abô avanôᶇ lôk leᶇiᶇhaviᶇ kapô.

### *Nobalonᶇ abô avanôᶇ lonᶇ*

---

\* **1:1:** Nê lôkauk doho enañ nena, “Avi lôk nali êᶇ ma abô lôk kup ma anêᶇ ôdôᶇ nena avômalô êvhaviᶇ anêᶇ unyak matheᶇ te. Ma yaᶇ lôk nali (2 Jon 13) ma hatôm unyak matheᶇ yaᶇ.”

4 \*Yahapôm nalumi doho atu ba esopa abô avanôḡ hatôm atu ba Wakamik bôk havak haviḡ alalô ba intu yalenḡmavi anôḡ.

5 \*Livôḡ, lêk yahathô o lokwaḡ nena alalô leḡiḡimbiḡ i. Balabuḡ êntêk ba yahato ma miḡ lukmuk ami. Mi, môḡ anôḡ ma bôk alalô awa yôv.

6 Ma leḡiḡhaviḡ anêḡ ôdôḡ ma aêntêk nena alalô nasopa Wapômbêḡ anêḡ abô balabuḡ. Ma abô balabuḡ êḡ ma môlô bôk olaḡô hadêḡ môḡ anôḡ nena nombenḡ imbiḡ leḡiḡhaviḡ.

7 \*Kêdôḡwaga abôyaḡ bêḡ anôḡ bôk i pik mayaliv ek nesau avômalô. Thêlô miḡ êvhaviḡ nena Yisu bôk habitak anyô ba halêm pik ami. Anyô anêḡ aêḡ ma anyô abôyaḡ lôk anyô hapôlik ek Kilisi.

8 Noyabiḡ am ek miḡ nôḡnêḡ yak esak vuli takatu ba alalô adum ku hathak ek naja ami. Êḡ ma tem noja unim vuli mavi lôkthô.

9 Ôpatu ba hawa auk yaḡda ba miḡ havalonḡ Kilisi anêḡ abô lonḡ ami ma miḡ hamô haviḡ Lambô ami. Ma doḡtom ôpatu ba havalonḡ Kilisi anêḡ abô lonḡ hamô haviḡ Lambô lo Namalô.

10 Anyôla hayô ek môlô ba miḡ hawa abô êḡ ami, êḡ ma miḡ nôḡnêḡ lemimmavi lôk noja yani thô ba unu unim unyak ami.

11 Hôêv lemmavi hadêḡ yani, êḡ ma hudum ku kambom êḡ haviḡ yani.

12 Abô bêḡ anôḡ hêk ek yanaḡ êndêḡ môlô, ma doḡtom yahadô ek yato êndôk kapyâ. Yalenḡhabi yasôk ek alalô nanaḡ abô imbiḡ i ek alalô leḡiḡmavi bêḡ anôḡ.

---

\* 1:4: 3Jon 3      \* 1:5: 1Jon 2:7      \* 1:7: 1Jon 4:1-3

13 Mamuyan atu ba Wapômbêñ bôk halam yôv anêñ nali\* êv lenjñmavi hadêñ môlô.

---

\* **1:13:** Hatôm unyak mathen yan anêñ avômalô êvhavinj. Nôñgô 2 Jon 1.

**Wapômbêŋ Anêŋ Abô Mathen**  
**The New Testament in the Malei-Hote Language of**  
**Papua New Guinea**  
**Nupela Testamen long tokples Maei-Hote long Niugini**  
copyright © 2010 Wycliffe Bible Translators, Inc. and The Malê people

Language: Hotê-Malê (Malei-Hote)

Translation by: Wycliffe Bible Translators

Contributor: The Malê people

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-02

---

PDF generated using Haiola and XeLaTeX on 18 Mar 2025 from source files dated 31 Aug 2023

c8e90bc3-6cab-57b1-9a48-04f5f30fe59a